

FLETËUDHËZUES I PAKETIMIT:
Informacion për pacientin

MELIOEKO

Ovula – 150 mg
(Ekonazol nitrat)

Lexojeni me kujdes këtë fletëudhëzues përpara se të filloni përdorimin e barit.

- Ruajeni këtë fletëudhëzues. Mund të keni nevojë ta lexoni përsëri.
- Në qoftë se keni pyetje të mëtejshme, pyesni mjekun ose farmacistin tuaj.
- Ky bar është përshkruar për ju. Mos e jepni tek persona të tjerë. Mund t'i dëmtojë ata edhe pse mund të kenë të njëjtat simptoma si ju.
- Në qoftë se ndonjë prej efekteve anësore përkeqësohet ose në qoftë se vëreni ndonjë efekt tjetër anësor që nuk përmendet në këtë fletëudhëzues, ju lutemi të njoftoni mjekun ose farmacistin tuaj.

Në këtë fletëudhëzues:

1. Çfarë janë ovulat Melioeko dhe përse përdoren
2. Përpara se të përdorni ovulat Melioeko
3. Si t'i përdorni ovulat Melioeko
4. Efekte anësore të mundshme
5. Si t'i ruani ovulat Melioeko
6. Informacion i mëtejshëm

1. ÇFARË JANË OVULAT MELIOEKO DHE PËRSE PËRDOREN

Ovulat Melioeko përmbajnë si lëndë aktive ekonazol nitrat, i cili është një derivat i imidazolit me veprim antimykotik. Ai vepron mbi: *Candida albicans*, *Candida glabrata*, *Candida tropicalis*, *Candida parapsilosis*, *Candida pseudo-tropicalis*, *Candida krusei*, *Candida stellatoidea*, *Trichophyton rubrum*, *Trichophyton mentagrophytes*. Ekonazoli fiksohet në mënyrë selektive mbi citokromet P-450 dhe pengon sintezën e membranës. Rastet e rezistencës janë të rralla. Përthithja e ekonazolit nitrat është e vogël kur ai përdoret në lëkurë ose në vaginë. Pas aplikimeve të përsëritura, përthithja sistemike e lëndës aktive nga mukozja vaginale është rreth 1%. Kjo përqindje e ulët nuk jep probleme në shpërndarje, metabolizëm e eliminim. Melioeko indikohet në trajtimin e vaginitit të shkaktuar nga *Candida albicans* dhe myqe të tjerë.

2. PËRPARA SE TË PËRDORNI OVULAT MELIOEKO

Mos përdorni Melioeko në qoftë se:

- keni mbindjeshmëri të njohur ndaj ekonazolit nitrat ose ndaj antimykotikëve të tjerë derivate të imidazolit, si dhe ndaj ndonjërit prej përbërësve të tjerë të ovulës;
- jeni nën 16 vjeç.

Tregoni kujdes të veçantë me Melioeko

Duhet të këshilloheni me mjekun ose me farmacistin tuaj përpara se ta përdorni këtë bar në qoftë se jeni

duke përdorur një metodë kontrceptive si “diafragma”, prezervativ ose spermicidë sepse ovulat vaginale mund të dëmtojnë gomën dhe të ndalojnë veprimin e këtij kontracsioni. Duhet të flisni me mjekun tuaj rreth përdorimit të një tipi tjetër kontracsioni ndërsa ju jeni duke përdorur këtë bar.

Gjatë trajtimit të zonave genitale, preferohet që edhe partneri seksual të bëjë një cikël trajtimi topik për arsye parandalimi. Duhet të jeni të sigurt që të mos infektoni të tjerët; mos i lejoni të tjerët të përdorin peshqirin tuaj.

Melioeko mund të shkaktojë një ndjesi djegieje dhe iritim. Rastet e shfaqjes së iritimit mund të tregojnë një reaksion mbindjeshmërie dhe në këtë rast trajtimi me barin duhet ndërprerë. Përdorimi për një kohë të gjatë mund shkaktojë mbivendosjen e baktereve të tjerë jo të ndjeshëm ndaj barit. Me shfaqjen e mbiinfeksioneve, Melioeko duhet ndërprerë dhe mund të fillohet një trajtim tjetër i përshatshëm.

Marrja e barnave të tjera

Trajtimi i njëkohshëm me barna të tjera mund të ndikojë ose të ndikohet nga Melioeko. Ju lutemi të kontaktoni me mjekun ose farmacistin tuaj në qoftë se jeni duke marrë ose keni marrë kohët e fundit barna të tjera, përfshirë ato të marra pa recetë. Mos harroni të informoni mjekun tuaj për trajtimin me Melioeko në qoftë se ju jepet ndonjë bar tjetër gjatë trajtimit. Është veçanërisht e rëndësishme që mjeku juaj të jetë në dijeni të faktit që ju jeni duke u trajtuar me barna holluese të gjakut (antikoagulantë) të tillë si: varfarina ose acenokumaroli.

Shtatzënia dhe ushqyerja me gj

Kërkoni këshillën e farmacistit ose të mjekut përpara se të përdorni këtë bar në periudhën e shtatzënisë ose gjatë periudhës së ushqyerjes së fëmijës me gj.

Në periudhën e shtatzënisë dhe të ushqyerjes së fëmijës me gj, ovulat vaginale mund të përdoren vetëm në rastet e domosdoshme dhe nën kontrollin e drejtpërdrejtë të mjekut.

3. SI T'I PËRDORNI OVULAT MELIOEKO

Gjithmonë përdorni këtë bar ekzaktesisht si ju ka thënë mjeku juaj. Ju duhet të këshilloheni me mjekun ose farmacistin tuaj në qoftë se nuk jeni të sigurt.

Ovulat futen në thellësi të vaginës, më mirë në pozicion të shtrirë në shpinë, 1 ovulë çdo darkë, para gjumit, për 3 ditë rradhazi. Në rast recidivash duhet bërë një cikël tjetër mjekimi.

Në qoftë se keni përdorur më shumë Melioeko

Në qoftë se keni përdorur më shumë ose keni gëlltitur gabimisht ovula Melioeko, ose në qoftë se fëmijët e kanë gëlltitur gabimisht këtë bar, ju lutemi të kontaktoni me mjekun tuaj, spitalin ose të telefononi urgjencën për të marrë një mendim për rrezikun dhe këshillë për veprimet që duhet të ndërmerren. Nga gëlltija mund të shfaqen: të përziera, të vjella, diarre, të cilat kërkojnë trajtim simptomatik.

Në qoftë se harroni të përdorni Melioeko

Në qoftë se harroni një dozë, përdorni dozën në vazhdim kur të jetë koha për përdorimin e zakonshëm të saj. Mos përdorni një dozë të dyfishtë për të plotësuar dozën e harruar.

Në qoftë se keni pyetje të mëtejshme mbi përdorimin e këtij produkti, pyesni mjekun ose farmacistin tuaj.

4. EFEKTE ANËSORE TË MUNDSHME

Si të gjitha barnat e tjera, Melioeko mund të shkaktojë efekte anësore, megjithëse jo çdokush i manifeston. Ndonjëherë ato janë serioze, ndonjëherë jo. Mos u alarmoni nga kjo listë e efekteve të mundshme anësore. Mund të mos ju shfaqet asnjë prej tyre.

Efekte anësore shumë të zakonshme ose të zakonshme (≥ 1/10); (≥ 1/100 deri në < 1/10):

- Reaksione në lëkurë.

Efekte anësore të pazakonta (≥ 1/1,000 deri në < 1/100):

- Djegie vaginale.

Efekte anësore me frekuencë të panjohur

- Angioedemë.

Në fillim të mjekimit mund të shfaqen reaksione të tjera si: krampe pelvike, ekzantema dhe dhimbje koke. Në këto raste është e nevojshme që mjekimi të ndërpritet dhe të fillohet një mjekim tjetër i përshatshëm.

Në qoftë se ndonjë prej efekteve anësore përkeqësohet, ose në qoftë se vëreni efekte anësore që nuk përmenden në këtë fletëudhëzues, ju lutemi të lajmëroni mjekun ose farmacistin tuaj.

5. SI T'I RUANI OVULAT MELIOEKO

Mbajini larg fëmijëve. Mos i përdorni ovulat Melioeko pas datës së skadimit e cila është e shënuar në paketim. Mos i ruani mbi 25°C! Ruajini në paketimin original për t'i mbrojtur nga drita.

6. INFORMACION I MËTEJSHËM

Çfarë përmbajnë ovulat Melioeko

Lënda aktive është ekonazol nitrat.

1 ovulë përmban 150 mg ekonazol nitrat.

Lëndët ndihmëse janë: yndyrna të ngurta.

Përmbajtja e paketimit

Kuti me 5 ovula.

Shpjegues i ikonave ilustruese për paketim:



Ovula.

Mbajtësi i Autorizimit për Tregtim dhe Prodhuesi:



PROFARMA sh.a.,
Rruga "Skënder Vila",
Tiranë, Shqipëri.
Tel.: +355 4 23 89 602

Ky fletëudhëzues u rishikua për herë të fundit në Nëntor 2023.

SPECIFICATION



CROPING AREA 12 x 19 cm

PAY ATENTION, all the layers are visible. If you have to print this document please check or uncheck the specific layers.